

**PEMBERITAHUAN PERTANYAAN
MESYUARAT PERTAMA, PENGGAL KEEMPAT
PARLIMEN KETIGA BELAS (2016)
DEWAN RAKYAT**

PERTANYAAN : BUKAN LISAN

**DARIPADA : YB TUAN HAJI KHALID BIN ABDUL
SAMAD [SHAH ALAM]**

SOALAN :

**Tuan Haji Khalid bin Abdul Samad [Shah Alam] minta PERDANA
MENTERI menyatakan apakah tindakan yang telah dilakukan oleh
Kerajaan dalam menangani kelemahan pengurusan Lembaga Tabung
Haji seperti yang telah ditegur oleh BNM.**

**JAWAPAN : (YB MEJAR JENERAL DATO' SERI JAMIL KHIR
BIN HAJI BAHAROM (B), MENTERI DI JABATAN
PERDANA MENTERI)**

Tuan Yang di-Pertua,

Lembaga Tabung Haji (**TH**) bukannya dibawah seliaan atau pemantauan
secara langsung oleh Bank Negara Malaysia (BNM). Ia adalah
kebiasaan bagi BNM untuk memberikan surat nasihat yang bertujuan
untuk memastikan keutuhan kedudukan kewangan setiap institusi bank
dan bukan bank. Kandungan surat BNM mengambil maklum akan
dasar rizab sedia ada **TH**, namun begitu BNM menyarankan agar **TH**

merumuskan satu dasar rizab yang lebih komprehensif bagi mengharungi ekonomi yang tidak menentu dan juga menangani ekspektasi pendeposit terhadap kadar bonus tinggi setiap tahun daripada **TH**.

Walau bagaimanapun BNM pada 26 Januari 2016 telah mengeluarkan kenyataan media bersabit surat mereka. BNM telah memaklumkan bahawa **TH** secara proaktif melalui inisiatifnya sendiri telah mengambil langkah-langkah sewajarnya untuk memperkukuhkan pengurusan risiko dan kedudukan kewangan **TH**.

Sekian, terima kasih.

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YANG BERHORMAT TUAN HAJI KHALID BIN
ABDUL SAMAD [SHAH ALAM]**

SOALAN : 405

**YB Tuan Haji Khalid bin Abdul Samad [Shah Alam] minta
PERDANA MENTERI menyatakan hasil siasatan SPR terhadap
kemasukan sejumlah wang dari SRC International Sdn Bhd ke dalam
akaun Perdana Menteri.**

JAWAPAN: YB DATO' SRI AZALINA BINTI DATO' OTHMAN SAID
MENTERI DI JABATAN PERDANA MENTERI

Tuan Yang di-Pertua,

Untuk makluman, soalan ini tidak dapat dijawab pada masa ini kerana perkara ini dalam timbangan mahkamah (*sub judice*) selaras dengan Peraturan Mesyuarat 23 (1)(g).

Sekian. Terima kasih.